

臨  
雍  
檔  
冊


典籍胡以霖署檢

亨



臨雍檔冊

亨



臨雍檔冊卷四

十一月初五日禮部知照

欽定臨雍儀注及各衙門應辦事宜

禮部謹

奏為酌定

臨雍禮儀恭請

聖訓事欽惟我

皇上稽古崇文明倫設教創舉

辟雍之制特修

講學之儀

簡命師儒敷揚經訓

親製

御論闡前聖之精微垂萬古之道訓實為從來未有之

盛典前奉

諭旨令臣部等衙門詳議應行典禮除衍聖公五經博士各氏後裔業經臣部題准令其來京陪祀遵即行知外所有應行查照則例行知在京各

該衙門備辦事宜謹條列於後

一明歲

臨雍典禮奉

旨即於上<sub>丁</sub>釋奠後舉行所有是日

大成殿行禮應依每歲仲春儀節

一聖賢後裔有現列朝官及各直省在京之進士舉人貢監生各官學教習及官學生應行知各該處造冊送部屆期咸令詣學觀禮

一國子監六堂肄業生應令各助教學正學錄

等官率領園橋聽講

一講案及案衣應行知內務府將

文華殿預備經筵講案案衣敬謹挪往陳設

一

辟雍殿內進講各官及侍班之王公衍聖公大學士九卿詹事

起居注等官坐毡應令內務府屆期鋪設

一講畢

賜茶應行知內茶房光祿寺照例預備

一

臨雍次日衍聖公率五經博士各氏後裔國子監祭酒率六堂及各官學師生於

午門外奉表謝

恩應派鴻臚寺設案臣部官捧表御史糾儀鳴贊序

班贊引各儀行知各衙門預備

一

臨雍禮成後

賜衍聖公五經博士及執事諸臣等宴於臣部應由

光祿寺辦理衍聖公現在服制應不用樂

一

辟雍殿階下設中和韶樂太學門內設丹陛大樂  
應行令樂部和聲署屆期陳設

一向例

臨雍三日後內閣撰擬

勅諭一道

頒國子監刊刻頒行今奉有

御論二篇於立極垂訓之謨尤為深切粹精擬於

禮成由國子監敬謹刊刻通行頒發在京各衙門官  
學及直省學政轉發各儒學師生咸資誦習以  
廣

教思

以上各條臣等謹案會典則例詳細酌議所有  
行禮作樂儀注及歷次

臨雍恩賞事例分別繕單恭呈

御覽伏候

訓示俟

命下臣部移咨各該管衙門先期預備其儀注載入  
臣部則例屆期仍照例恭進為此謹  
奏請

旨

禮部初定儀注

皇上升辟雍殿行聖公率聖賢後裔祭酒司業率所

屬官及諸生俱行三跪九叩禮奉

旨應行師生禮改為兩跪六叩俟講畢謝

恩方行三跪九叩其儀注全單見後

雅  
以  
似  
注

冊  
一日咨取算學助教教習算學生肄業生清

冊  
奉

上諭等相應行咨算學將該學助教教習并算學生

肄業生等旗分佐領籍貫履歷分晰造冊咨送

過監演禮可也

十五日刻就

內廷酌定恭進

臨雍詩冊題並撰寫詩冊款式又刷印禮部所刻檯

命下臣部移咨各該管衙門先期預備其儀注載入  
臣部則例屆期仍照例恭進為此謹

奏請

旨

禮部初定儀注

皇上升辟雍殿行聖公率聖賢後裔祭酒司業率所

屬官及諸生俱行三跪九叩禮奉

旨應行師生禮改為兩跪六叩俟講畢謝

恩方行三跪九叩其儀注全單見後

冊  
十一日咨取算學助教教習算學生肄業生清

奉

上諭等因相應行咨算學將該學助教教習并算學生  
肄業生等旗分佐領籍貫履歷分晰造冊咨送  
過監演禮可也

十五日刻就

內廷酌定恭進

臨雍詩冊題並撰寫詩冊款式又刷印禮部所刻檯



# 頭款式分散諸生

皇上肇建辟雍釋奠講學禮成恭紀

頌寫恭頌賦寫恭賦惟雅不寫恭字餘體俱寫  
恭紀有數首旁注某體若干首係一篇旁注某  
體若干韻有序先旁注謹序二字離一格再寫  
某體若干首等字樣算清字數分兩行勻寫每  
本十二頁每頁十二行每行連三抬頭十四字  
不論有無三抬正文總只寫十一字上空三格  
以歸畫一正文寫完於次行寫某官臣某人恭

進字較正文小十分之四縱銜名字多亦不得過  
半行臣字旁跨恭字落地

進字單抬諸生則寫肄業某生臣某人恭進如係  
廩貢生則寫肄業廩貢生餘類推冊頁各人按  
照所做本數頁數於十二月十二三兩日內至  
彰義門大街爛麵衚衕對過虞寓繳價取冊頁  
敬謹繕寫五日內繕完交摠辦冊頁處磨勘至  
諸生已限於十一月廿一日務將詩卷底本送  
本堂師閱看至十二月十二三兩日底本同冊

頁一併在虞寓領取五日內繕完仍送本堂師  
磨勘彙交總辦冊頁處有字畫不工楷不勻淨  
不合式及冊頁汙損者概行駁回另繳價領冊  
頁繕寫

同日曉諭在京貢監赴監報名觀禮

在京貢監無論正途俊秀投結驗照即准入冊  
有願做詩冊者即將底稿送所撥之本堂師處

閱看

同日咨催北五省貢監生赴監觀禮

呈為咨催貢監生赴監演禮恭迎

聖駕事恭照明春

皇上臨雍釋奠本監例應率領諸生先期演習禮儀  
熟諳以便迎送

聖駕業經兩次行文各省督撫轉飭所屬著令各該  
州縣造冊給文官廕生恩拔副歲優貢生援例  
貢監生赴監演禮在案今為期已迫到監者寥  
寥無幾

鉅典攸關不便延緩合行咨催各省督撫有情願赴

監觀禮諸生飭催誅生等費文星馳赴監以便  
預期演習禮儀勿致遲悞

同日派助教虞友光辦理刊刻進

呈備

賞

御論並頒發在京及各直省

御論講章

御論清漢合璧每扣五行漢文每行十三字四圍雕  
龍邊用夾聯紙通身俱四紅紅花入高銀硃刷

印前後俱有龍封面雕龍面簽講章亦清漢合  
璧先列進講官及大人銜每扣八行每行二十  
字刷印用連四紙紅豎格墨字講章同頒發之

御論合釘頒發

御論亦用連四紙雙紅紅花面簽注講章附三字

同日派助教史國華繕寫刊刻之

御論講章清文派筆帖式揚桑阿繕寫

廿一日行文內閣典籍廳借前次

臨雍謝

恩表式

呈為移借表文事查得會典內開  
聖駕臨雍後次日例應本監與行聖公恭進  
表章查乾隆三年

皇上臨雍時本監所進表章底稿並無存貯相應移  
咨內閣典籍廳希為查明揀出本監原表以便  
委員赴貴廳敬謹抄錄照式辦理可也

十二月初一日禮部咨查乾隆三年進士舉貢  
生監服色

禮部為劄查事儀制司案呈節准內務府

咸安官官學咨稱查禮部奏准

臨雍禮儀原奏內開各直省在京之進士舉人貢生  
監生各官學教習及官學生應知照各該處造  
冊送部屆期咸令詣學觀禮等因應將本學現  
在行走之滿漢教習舉貢生監以及隨班之官  
生等旗分佐領履歷籍貫造冊送部外再本學  
所送滿漢教習舉貢生員以及童生等至期何  
人應穿帶何樣之處希即示覆以便遵照等因

各咨送前來相應行文國子監即將乾隆三年  
皇上臨雍所有聽講之滿漢教習進士舉人貢監生  
員官學生等係穿戴何樣冠服詳細查明送部  
以便轉行各該處可也

同日禮部知照軍機處交出

臨雍恩賞單并知照各氏後裔送監讀書

以張

恩

臨雍加恩各條

擬

一

賜行聖公貂冠朝服頒發刊刻

御論二篇

向係一道今酌改加

賞徽墨二匣貂皮四張

一

賜至聖後裔七人五經博士二十人各氏後裔三十

八人八絲緞各一卷

向係袍今酌改頒發刊刻

御論二篇

向係一道今酌改加

賞徽墨各二匣貂皮各二張

一

賜滿漢祭酒司業八絲緞袍褂各二卷

向係錦緣領袖紵絲袍今

酌改監丞筆帖式助教等官每人八絲緞各一卷

向係緞袍今酌改

一

賜肄業生及在京觀禮進士舉人貢監生廕生八旗

官學教習及官學生銀各一兩

一

各氏後裔送監讀書

奉

旨此項八絲緞交內辦欽此

同日咨覆禮部則例所載及乾隆三年觀禮人  
負服色並請酌定速覆

准禮部文開等因前來查

欽定國子監則例內開凡守部進士舉人迎

駕時穿朝服觀禮時更采服有職之各氏後裔并各

副管教長教習及有職之貢監生並穿補服其

無職之各氏後裔及貢監生穿藍鑲青衫披肩

金雀高頂廕監生世職學生用所襲品級服色

官學生穿青鑲藍衫披肩銀雀高頂俱先期榜  
示俾各遵照等語又查乾隆三年酌定服色凡  
貢監不論已未考職俱穿藍鑲青衫披肩金雀  
高頂在案至未揀選之舉人應穿戴何等冠服  
例無明文再查官學生例應穿青鑲藍衫披肩  
銀雀高頂而宗學學生俱係新

賞四品頂帶

咸安宮官學生內舉貢生童不等其應穿戴何等  
冠服之處相應咨呈貴部統祈即行酌定示覆

以便出榜曉諭可也

同日咨明太常寺

文廟正殿等處應先期糊飾

呈為咨明事恭照乾隆五十年二月初七日

皇上臨雍釋奠所有

文廟正殿東西兩廡致齋所神厨等處并  
崇聖祠牕戶路燈應行照例先期糊飾相應移咨太  
常寺查照辦理可也

同日吏部咨明進士舉人須俟五十年正月廿

六日投供後再行造冊送監

吏部來文准國子監文稱等因前來查現在投  
供候補候選進士舉人出身人負每月按班銓  
選得缺後領憑赴任未便預行造冊應俟明年  
正月二十六日投供後再行造送其騰錄貢監  
諸生除出示傳令投遞履歷彙齊造冊再行咨  
送相應先行劄覆該監可也

初六日咨明吏部將觀禮人負務於封印內造  
冊送監

准吏部文開等因到監查

聖駕臨雍觀禮諸生禮節煩多必須在正月二十日  
前即行演習禮儀方不至臨期錯誤若至正月  
二十六日投供後再行造冊送監為期已促恐  
於禮儀不能嫻熟相應咨呈貴部即行酌辦務  
於封印內將守部之進士舉人造冊送監以便  
先期傳集演禮可也

十一日咨明鑾儀衛派員役預備鳴鐘鼓

呈為咨行事恭照明春



皇上臨雍儀注內開

皇上臨辟雍行講學禮太學鳴鐘鼓等語查預備鳴鐘鼓事隸鑾儀衛相應知照貴衙門照例委派員役屆期到監敬謹預備並希將派出官員職名送監以便知照預期演習禮儀可也

江南直隸通州如臯縣汪之琳錄

臨雍檔冊卷五

十五日

初司業銜一百五歲老人郭鍾岳赴監拜

廟

郭鍾岳福建人由諸生

欽賜舉人又

欽賜進士甲辰

皇上南巡至浙江接

駕

臣飛報

官叩報

皇上臨雍儀注內開

皇上臨辟雍行講學禮太學鳴鐘鼓等語查預備鳴鐘鼓事隸鑾儀衛相應知照貴衙門照例委派員役屆期到監敬謹預備並希將派出官員職名送監以便知照預期演習禮儀可也

江南直隸通州如臯縣汪之琳錄

臨雍檔冊卷五

十五日

欽賜司業銜一百五歲老人郭鍾岳赴監拜

廟

郭鍾岳福建人由諸生

欽賜舉人又

欽賜進士甲辰

皇上南巡至浙江接

駕

臨  
冊  
卷  
五

欽賜司業銜於十月到京奉

旨郭鍾岳著與千叟宴臨雍時一體觀禮於是日到監拜  
廟

同日行欽天監定準

彝倫堂外露臺上日晷向盤

呈為咨明事照得本監衙門現在興工修理告

竣恭候明春

皇上臨雍所有

彝倫堂外月臺上立有時辰分刻日晷向盤因年

久模糊恐不甚准相應咨明貴監即速派委員  
役過監修理刊刻安置可也

同日禮部知照酌定進士舉人貢監生童迎

駕觀禮服色

禮部為知照事今據國子監覆稱等因前來查  
明歲仲春

皇上臨雍講學觀禮聽講各官生服色理應酌擬畫  
一以便傳行曉諭除現任各官業經本部將儀  
注進呈

欽定行知各衙門外其候補候選之進士舉人及各學師生等相應查照乾隆三年之例酌定開單覆知各該處並劄知國子監可也

計開

守部進士舉人迎

駕穿朝服觀禮更采服仍穿采服送

駕

各學副管教長教習候補教習舉人并有職之

各氏後裔貢監生穿補服

無職之各氏後裔及貢監生穿藍鑲青衫披領

金雀高頂在監肄業之廩生照所得品級補服

穿戴

各項官學生宗學照

賞給頂帶世職照所襲品級迎

駕穿朝服觀禮更采服舉人穿補服貢監生藍鑲青

衫披領金雀高頂生員童生青鑲藍衫披領銀

雀高頂

二十日咨取各館滿騰錄到監觀禮

呈為咨取迎接

聖駕人員事恭照明春

皇上臨雍凡各館効力之漢騰錄諸生俱經行文咨  
取到監演禮而在館之滿騰錄諸生事屬一體  
亦應行文各館其現在館効力之滿騰錄各官  
凡係貢監生出身者立即咨送到監以便於正  
月二十二二十六二十九等日黎明赴監演禮  
幸勿遲悞可也

一咨 方畧館

一移會 國史館 三通館 清字經館

同日咨覆太常寺本監官員各有專司不能兼  
充

### 文廟執事

文見正月十五日太常寺來文

同日知照各衙門各學服色

知照宗人府內務府 武英殿算學翰林院國  
史館三通館方畧館鄂羅斯文館續辦四庫全  
書處左翼世職東北官學右翼世職西北官學

清字經館內閣典籍廳恭照明年仲春

皇上臨雍凡迎接

聖駕各項人員所有本身應用服色必須先期預備  
整齊畫一以昭誠敬合將酌定各項服色分晰  
開列行知各該處轉飭各項人員務照所定服  
色及早預備毋致參差倘有不遵所定服色者  
除不准排班演禮外仍按名查核辦理相應知  
照各處查照可也  
計開各項人等服色俱照禮部來文開寫

同日曉諭進士舉人貢監生童迎  
駕觀禮服色

呈為曉諭事恭照明年仲春

皇上臨雍凡迎接

聖駕各項人員所有本身應用服色必須先期預備  
整齊畫一以昭誠敬合行分晰曉諭各項人等  
務照所定服色及早預備毋致參差倘有不遵  
所定服色者除不准排班演禮外倘按名查核  
辦理各宜凜遵毋違特示

清字經館內閣典籍廳恭照明年仲春

皇上臨雍凡迎接

聖駕各項人員所有本身應用服色必須先期預備  
整齊畫一以昭誠敬合將酌定各項服色分晰  
開列行知各該處轉飭各項人員務照所定服  
色及早預備毋致參差倘有不遵所定服色者  
除不准排班演禮外仍按名查核辦理相應知  
照各處查照可也  
計開各項人等服色俱照禮部來文開寫

同日曉諭進士舉人貢監生童迎  
駕觀禮服色

呈為曉諭事恭照明年仲春

皇上臨雍凡迎接

聖駕各項人員所有本身應用服色必須先期預備  
整齊畫一以昭誠敬合行分晰曉諭各項人等  
務照所定服色及早預備毋致參差倘有不遵  
所定服色者除不准排班演禮外倘按名查核  
辦理各宜凜遵毋違特示

計開各項人等服色俱照禮部來文開寫

同日知照各衙門各學演禮日期

呈為知會事恭照明春

皇上臨雍所有滿漢恩拔歲副例俊官廕諸生併禮部送到進士舉人理宜演禮迎送

聖駕今本監定於正月二十二二十六二十九等日

在監演習禮儀相應咨明禮部鑾儀衛鴻臚寺太常寺煩為查照并知會各該處務於演禮之日派該管官率領各該人員赴監仍將人數開

列清單帶赴本監以備查照可也

同日曉諭進士舉人貢監生童演禮日期

呈為演習禮儀事恭照明春

皇上臨雍講學所有迎接

聖駕之進士舉人貢監各生凡進退步趨升降拜跪理宜整肅今定期於正月二十二二十六二十九等日在監演禮為此出示曉諭各項人等知悉至期務須清晨齊集衙門伺候演習禮儀毋悞勿怠



同日行提督衙門於演禮日期派官員兵丁攔阻閒人車馬

呈為知會事恭照明春二月初七日

聖駕臨雍是日本監率領進士舉人貢監諸生在成賢街迎送

聖駕合行知會再明年正月二十二二十六二十九等日本監率領諸生演習迎送禮儀約有數千餘員誠恐閑人擁擠車輛往來難以演習為此一并知會提督衙門煩為轉飭該管步軍官員

兵丁屆期攔阻一切閑雜車馬人等可也

同日咨工部

彙倫堂後設立蓆牆

呈為設立蓆牆事恭照明春

聖駕臨雍

御彙倫堂堂後內院空濶查乾隆三年舊例兩傍立有彩畫蓆牆各一道自

彙倫堂後牆搭至敬一亭院牆以間東西今應照舊設立為此咨明工部煩為查照預期赴監辦

理可也

同日咨工部太常寺鋪設棕毡

呈為禮儀事恭照

聖駕臨雍

文廟正殿至大成門

彝倫堂

辟雍殿至集賢門俱應鋪設棕毡所有

文廟正殿至

大成門鋪設棕毡之處相應行文太常寺照例屆

期鋪設所有

彝倫堂

辟雍殿至集賢門鋪設棕毡之處相應移咨工部

查照預先備辦屆期鋪設可也

五十年正月初二日辦理

臨雍事宜人員輪流到監值日

自是日始每日二人

初七日

皇上詣

諸學

雍和宮順道

閱視辟雍先詣

文廟拈香

至聖前香及香爐香几

御用拜褥俱係內監臨時備帶陳設。是日係忌辰  
隨

駕及迎

駕官員不掛朝珠但穿天青褂或貂褂

駕到本監堂官於成賢街櫺星門之東站班

回宮於集賢門之西站班

初十日行工部咨取講官講案

呈為咨取事本年二月初七日恭逢

皇上臨雍所有

御前書案講官講案均須照例備辦講官講案應用  
矮桌二張每張長五尺五寸濶一尺八寸高一  
尺俱有桌套相應咨明工部作速造送過監以  
便應用可也

十五日禮部知照預設講章事宜

禮部為劄知事儀制司案呈恭照二月初七日  
皇上臨雍講學祭酒恭捧

御覽講章正本及講官講章副本預設案上相應劄  
行國子監屆期查照本部奏定儀注敬謹陳設  
可也

同日太常寺知照

文廟執事人員由寺添派

太常寺為知會事准國子監文稱准太常寺文  
開二月初七日祭

文廟所有國子監執事官員及肄業諸生於正月  
十九等日三次赴

凝禧殿會同演習禮節等因前來查二月初七日

皇上釋奠後臨雍講學本監堂屬各官例應率領肄  
業生等敬謹聽講行禮所有一切典禮俱應預  
期演習業已定期於正月二十二二十六二十  
九等日傳集各該處官生人等在監演習禮儀  
通行各衙門在案今准太常寺文開在監堂官  
率領執事官生至期演習本監肄業諸生理宜

敬謹迎送

聖駕其丁祭

文廟演禮執事之處令各官及肄業生等兼攝其事則勢難兩顧令各員及肄業生等分任其事則人數不敷相應咨覆太常寺查照辦理等因前來查乾隆十八年本寺奏准定例凡遇

遣官致祭

文廟其應需執事皆係國子監官員及肄業諸生行走如恭遇

皇上親詣行禮其

大成殿兩廡

崇聖祠正殿四配兩廡等處執事亦係國子監官生承值久經遵辦在案今本年二月初七日恭逢

皇上釋奠後臨雍講學國子監既稱堂屬各官是日有率領肄業生等迎送

聖駕及聽講行禮誠難兼攝分任等語此次祭祀應需執事人員本寺暫為通融添派官生承值以

卷三  
襄祀典至嗣後春秋遣官致祭或

皇上親詣行禮自應遵照奏准定例仍令貴監官員  
生監行走執事可也

同日禮部知照

皇上臨雍講學令助教等官率領諸生園橋聽講

禮部為劄知事儀制司案呈恭照二月初七日  
皇上臨雍講學所有六堂肄業諸生業經本部奏准  
令國子監助教學正學錄等官率領園橋聽講  
相應劄行國子監查照辦理可也

同日禮部知照

皇上釋奠講學王公百官服色

禮部為知照事儀制司案呈恭照二月初七日

皇上親詣

釋奠王公百官俱穿朝服陪祀後恭俟

得  
德

身

堂執事各官及陪祀聽講諸臣俱更蟒

預備相應行文各衙門查照并即知會

現任各員內之聖賢後裔一體陪祀觀禮可也

同日咨

卷五  
襄祀典至嗣後春秋遣官致祭或

皇上親詣行禮自應遵照奏准定例仍令貴監官員  
生監行走執事可也

同日禮部知照

皇上臨雍講學令助教等官率領諸生園橋聽講

禮部為劄知事儀制司案呈恭照二月初七日

皇上臨雍講學所有六堂肄業諸生業經本部奏准  
令國子監助教學正學錄等官率領園橋聽講  
相應劄行國子監查照辦理可也

同日禮部知照

皇上釋奠講學王公百官服色

禮部為知照事儀制司案呈恭照二月初七日

皇上親詣

釋奠王公百官俱穿朝服陪祀後恭俟

皇上詣彛倫堂執事各官及陪祀聽講諸臣俱更蟒  
袍補服預備相應行文各衙門查照并即知會  
現任各員內之聖賢後裔一體陪祀觀禮可也

同日咨

欽此

武英殿借黃龍蓋袂鎮紙牙籤

呈為咨取事恭照二月初七日

皇上臨雍向例應有

御案上需用鎮紙牙籤一副蓋案黃龍袂一箇并各講官講案上鎮紙牙籤四副相應行文

武英殿煩為照數給發可也

向例鎮紙牙籤俱赴

武英殿借用此次行文二次

武英殿未發

同日知照各衙門聽講官及侍儀官員演禮日期

知照宗人府起居注吏部戶部禮部兵部刑部工部都察院通政使司大理寺詹事府衍聖公內閣典籍廳恭照二月初七日

皇上臨雍禮部奏准儀注內開左翼王公四人右翼王公四人行聖公內閣大學士及九卿詹事堂官滿漢各一人均須入座聽講

起居注官四人侍儀給事中御史各二人按位序



立各等語今本監定於本月二十二二十六二十九等日辰刻在監演禮相應知照各衙門查照可也

同日再行知照各衙門各學於二十二二十六二十九等日辰刻演禮

呈為再行知照事恭照二月初七日

皇上臨雍所有本監演禮日期業經本監知照在案惟是人數衆多誠恐到監遲早不齊碍難演習今酌定於二十二二十六二十九等日辰刻演

禮除通行宗人府內閣九卿詹事各衙門外相應再行知照可也

一咨呈 武英殿

一咨 算學 鑾儀衛 翰林院 方畧館

國史館 三通館 左翼世職東北官學

右翼世職西北官學 續辦四庫全書處

鄂羅斯文館 太常寺 樂部

一移會 鴻臚寺

同日禮部知照赴鑾儀衛領錦衣帽帶

禮部為劄知事儀制司案呈查定例

皇上臨雍講學行鑾儀衛按

文廟應差廟戶等給發應用紅錦衣三十一領帽  
三十一頂帶三十一條等語相應行文鑾儀衛  
查照發給并劄知國子監派員領取可也

二十日知照八旗官學將觀禮人等作速造冊  
開列清單送監演禮

呈為咨行事恭照二月初七日

皇上臨雍講學所有迎接

聖駕之貢監生業經通行咨取在案今本監定於二  
十二二十六二十九等日辰刻演禮相應行文  
各該旗作速造冊開列清單咨送過監并即飭  
令各該生穿戴藍鑲邊青衫金雀高頂朝帽赴  
監演禮可也

同日行催

武英殿四庫全書處騰錄清冊

呈為咨行事恭照二月初七日

皇上臨雍講學所有迎接

聖駕之貢監生業經通行咨取在案尚未咨送過監  
今本監定於二十二二十六二十九等日辰刻  
演禮相應行文

武英殿繕寫四庫全書處作速造冊開列清單咨  
送過監演禮可也

同日令守部貢監歸監丞帶領

二十二日初次演禮

同日派典簿朱鎬昌典籍張若詠收觀禮人員

職名

同日咨覆工部

御前書案講官講案無庸造辦

呈為咨覆事准工部咨准國子監咨稱二月初

七日

皇上臨雍所有

御前書案講官講案應用矮桌桌套咨部造送等因

查

御前書案現有由

內交工程處應用之案其講官講案亦經禮部知

照工程處備辦似毋庸本部再行辦理片到將  
即應否仍需本部辦理之處即日咨覆以便查  
辦等因前來查應用書案講案現在工程處辦  
理毋庸貴部造送相應咨覆工部可也

同日再咨太常寺預備鋪設棕毡

呈為咨催事恭照二月初七日

聖駕臨雍先行釋奠禮所有

文廟正殿至大成門鋪設棕毡之處行文太常寺  
作速照例鋪設業經行文在案相應再行貴寺

屆期預備鋪設可也

同日再咨提督衙門嚴飭該管官員兵丁攔阻  
閑人車馬

呈為再行咨行事恭照二月初七日

聖駕臨雍是日經禮部奏定儀注本監堂官應率領  
所屬官肄業諸生及進士舉人等在成賢街迎  
送

聖駕至本月二十二二十六二十九等日本監率領  
諸生演禮約有數千餘員誠恐閑人車輛擁擠

難以演禮業經行文貴衙門轉飭該管步營官  
兵屆期攔阻在案今查二十二日本監率領演  
禮往來車輛仍由成賢街行走未能肅清相應  
再行咨明務於二十六二十九等日嚴飭該管  
官員兵丁赴成賢街東西巷口將一切閑雜人  
等以及往來車馬勿得放入可也

同日行翰林院借黃龍蓋袂鎮紙牙籤

呈為咨取事恭照二月初七日

皇上臨雍講學所有

御案上應用牙籤鎮紙一副黃龍蓋袂一箇及講官  
應用牙籤鎮紙四付相應移咨貴院希將

經筵所用

御案上牙籤鎮紙及講官牙籤鎮紙盡數暫發交過  
監如不敷用本監再行照式添辦為此合咨貴  
院希即查照見覆以便委員領取可也

同日派典簿朱鎬昌典籍張若詠赴翰林院領  
鎮紙牙籤即令專司其事

同日再行知照宗人府官學生應遵所定服色

穿戴

呈為再行咨明事查

欽定國子監則例所載

臨雍條款凡各項迎接

聖駕人員俱有本身應用服色必須先期預備整齊  
畫一方足以昭誠敬今春恭逢

聖駕臨雍業將各項服色分晰開列行知貴府轉飭  
各項人員務照所定服色及早預備倘有不遵  
者除不准入班外仍按名咨明辦理在案今查

二十二日演禮所有宗學覺羅學各學生尚多  
未遵知照服色穿戴倘致臨期糾儀御史查叅  
殊多未便合行咨呈貴府即飭各該學作速畫  
一預備可也

同日再行曉諭恭迎

聖駕人等毋得私自懷挾詩冊等項跪獻

二十三日派監丞達慶博士景文助教虞友光

學正沈培齊班

達虞齊東班景沈齊西班

同日曉諭接

駕聽講班次

東班在成賢街南接

駕進集賢東角門西班在成賢街北接

駕進集賢西角門

接

駕東班次序

率性堂

誠心堂

崇志堂

進士

守部貢監

東四旂官學

東四旂覺羅學

左翼幼官學

左翼宗學

咸安宮學

候補滿漢教習

八旂貢監生

西班次序

修道堂

正義堂

廣業堂

舉人

算學生

西四旂官學

西四旂覺羅學

右翼幼官學

右翼宗學

景山官學

俄羅斯館

清字經館

聽講東班次序

率性堂

誠心堂

崇志堂

以上在樹內甬道東

進士守部貢監

六堂有職人員

左翼幼官學

左翼宗學

東四旗覺羅學

咸安宮學

八旗貢監生

滿漢候補教習

以上均在樹東

東四旗官學

在牌樓南之東

西班次序

修道堂

正義堂

廣業堂

算學



以上在樹內甬道西

舉人

六堂有職人員

右翼幼官學

右翼宗學

西四旗覺羅學

景山官學

俄羅斯館

清字經館

以上均在樹西

西四旗官學

在牌樓南之西

同日派助教鳳鳴廉福率領八旗候補教習派  
助教瑚圖里志善率領八旗貢監佟保率領清  
字經館謄錄

同日設立排班高脚牌

牌上寫明某項人員接

駕在此字樣預按段落豎立排班演接

駕禮後令役舉牌先行諸生各隨本牌魚貫而入排  
班演聽講禮畢仍令隨牌魚貫而出至成賢街  
演送

駕禮排班時本監堂官率四廳在成賢街西口路南  
接

駕六堂各學官員俱在本堂本學諸生前領班聽講  
時合署官員俱隨本監堂官在西班行禮觀禮  
人員凡穿青衫藍衫者俱在成賢外街穿補服  
者俱在成賢內街聽講時穿青衫者在前穿藍

衫者在後穿補服者在內一層六堂諸生有職  
者俱附穿補服人員班內。牌係赴順天府借  
貢院點名牌。初七日四鼓不用高脚牌改用  
高竿大鉄絲燈籠仍按接

駕段落豎立

臨雍檔冊卷六

二十五日禮部奏請令高麗使臣隨班觀禮

二十六日二次演禮

同日派監丞達慶博士景文助教虞友光學正  
沈培會同工程處辦理排班事宜

自品級石磚邊迤南至東西角門北每隔三尺  
為一排每排用紅麻繩一道從甬道東西視地

潤狹用木釘橫釘土上諸生俱按繩站立

同日禮部咨取應入宴堂屬官員職名

禮部為劄取職名事精繕司案呈恭查

皇上臨雍後例在本部

恩賜筵宴凡行聖公及內閣翰林院詹事府都察院  
國子監太常寺光祿寺鴻臚寺堂屬各官有執  
事者例應入宴相應行文各該處將應入宴之  
員數職名速行開送過部以便備辦可也  
同日知照各衙門各學於二月初二日再行演

禮一次

典簿廳

呈為知照事恭照二月初七日

皇上臨雍本監業定於二十二二十六二十九等日  
辰刻在本監演禮通行知照在案但恐人數衆  
多演禮尚未熟習今於此三日外定於二月初  
二日再加演禮一次以期熟習無悞相應通行  
知照各衙門可也

同日工部咨覆鋪設諸路棕毯

工部為知照事製造庫案呈准國子監文開恭  
照

聖駕臨雍

文廟正殿至

大成門

彝倫堂

辟雍殿至集賢門俱應鋪設棕毯所有

文廟正殿至

大成門鋪設棕毯行文太常寺照例鋪設所有

彝倫堂

辟雍殿至集賢門鋪設棕毯之處應咨部預先備

辦屆期鋪設等因隨經派出郎中蓬琳前往查

勘去後今據呈稱所有

辟雍殿等處棕毯隨即將應行鋪設處所丈尺業

經量明共需棕毯長七十丈五尺俱寬四丈五

寸查得簾子庫庫貯舊棕毯堪可挪往鋪設但

此項棕毯內有破壞之處今揀選得三十六丈

五尺尚屬整齊毋庸修理其餘三十四丈糟壞

破爛應添棕拆造見新理合開單呈遞伏乞批  
交製造庫辦理等因呈遞前來查

辟雍殿等處緒路應鋪棕毯既據郎中蓬琳前往  
查勘將應鋪處所量明丈尺并應修棕毯尺寸  
開單呈遞相應照依所報按例核算工料給發  
司庫諾敏等監視匠役如式修理完竣送往鋪  
設查各

壇廟應鋪棕毯前經本部奏明俱交太常寺鋪設此  
次棕毯除本部業交承辦之員鋪設外所有緒  
路棕毯俟應用後即交國子監收貯備用並知  
照國子監嗣後應行鋪設即遵照奏准之例經  
知照太常寺鋪設可也

二十七日禮部知照敬謹撰擬繕寫

臨雍謝

恩表於月內送部

禮部為劄知事儀制司案呈恭照

臨雍次日例應衍聖公率五經博士各氏後裔國子  
監祭酒率所屬官及進士舉人諸生於

午門外奉表謝

恩今為期在邇相應行文國子監先期敬謹撰擬繕  
寫正副各一通於月內咨送過部以便預送內  
閣進

呈可也

二十九日三次演禮

是日同各衙門商定諸生聽講畢即于原位東  
西面跪送

聖駕不必再赴成賢街因

賜茶祇俄頃間數千人行走需時恐排班不及

同日將撰寫本監及衍聖公謝

恩表咨送禮部

典簿廳

呈為咨送事本月二十七日准禮部來文儀制  
司案呈恭照

臨雍次日例應衍聖公率五經博士各氏後裔國子  
監祭酒率所屬官及進士舉人諸生於  
午門外奉表謝

恩今為期在邇相應行文國子監先期敬謹撰擬繕  
寫正副各一道於月內咨送過部以便預送內  
閣進

呈等因前來今照內閣發來舊式敬謹撰表二篇繕  
就正副本咨送

貴部以便預送內閣辦理可也

衍聖公孔憲培謝

恩表

伏以

昌期熙洽萬年瞻有道之光

聖學淵涵九域仰同文之治播和風於禹甸式大禮

於虞庠羣黎昭徧

德之休髦士協彙征之吉欽惟

皇上陛下

化孚九有

撰合兩儀

本主敬以綏猷治恢鎬洛

體執中以御宇功邁勳華爰昭



釋奠之儀載沛

臨雍之澤絢黌宮之黜聖徹瓦流黃匯壁水之滄淪

環池漾碧鴻規

特建肇開輪奐之華

盛典聿新近擷蓂莢之秀

龍旂頻蒞俎豆維虔

鑿輅式臨羹墻最切仁敬孝慈信聖德常昭乾元亨

利貞天行不息

教彰日月示五止之精微

義闡苞符啟六爻之間奧羣言受

範多士觀光咸就

日而瞻

雲務采華而擷實臣幸先路序獲覲瞻

龍光世沐

國恩荷襲封之褒寵功承祖澤覩創制之輝煌伏

願

駿業長新協乾坤而永壽

鴻圖孔固昭卿景以長輝

雅化旁流極霞蔚雲蒸之望

慶符駢集備麟遊鳳舞之祥臣無任瞻

天仰

聖激切屏營之至謹奉

表恭

謝以

聞

大學士蔡新等謝

恩表

伏以

景運長新河洛啟苞符之秘

文光朗映圖書聯奎壁之輝際

元化之覃敷慶

鴻規之肇建欽惟

皇帝陛下

道該仁知

學備生安

治煥大猷四海備車書之統

卷六  
化成久道萬邦恆瞻就之忱  
特隆教胄之儀虔舉

尊

師之典溯辟雍之建置實太學之觀瞻百卅年禮  
樂振興三千載圖書詳考稽作人于周代統虞  
夏殷而制度熹詳數首善于神京閱金元明而  
規模未具惟

君師之兼備仰

德福之並隆乃昭

盛典於垓埏遂鞏

鴻圖於膠序千尋輪奐瞻飛跂於橋門一檻淪漪挹  
芬芳於芹藻翥鳳翔鸞之額

寶墨輝煌聲金振玉之音

宸章煜赫

龍旂夙至紳佩臚歡

雉扇初開鼓鐘協奏五善歸於敬止

宣言昭文德之全六位本乎健行

析義闡義經之蘊

臣等

虎闈備職槐市依

光雍宮布

雲日之華誠傾葵霍璧水覩

綉綸之煥榮逮章縫伏願

帝祚洪延

宸禧懋集

章昭卓漢常瞻有道之光

澤溥菁莪永效無疆之祝臣等無任瞻

天仰

聖激切屏營之至謹奉

表恭

謝以

聞

右表用大白奏摺繕寫送禮部轉送內閣交滿  
本房繕清用渠紅帖繕就清漢合璧進

呈

閱定發下

同日禮部知照衍聖公及各氏後裔應帶陪祀  
觀禮人數

禮部謹

奏為奏

聞事查定例

臨雍行取衍聖公率領各氏後裔到京由臣部具摺  
奏

聞今據衍聖公孔憲培咨稱恭逢

皇上臨雍盛典遵例選帶陪祀觀禮人等相應造具  
清冊送部等語臣等伏查陪祀人員至聖後裔  
應帶五人四配十二哲應帶二人觀禮人員至

聖裔應帶二十人四配裔應帶八人十二哲裔  
應帶四人俱擇通曉文藝堪加培植者送國子  
監準其一體觀禮如不得其人寧缺毋濫職官  
准其紀錄一次貢監生准予應考職銜廩生准  
作貢生增附生准作監生今衍聖公帶來陪祀  
觀禮各後裔均在定例人數之內理合奏明俟  
皇上臨雍禮成後臣部行文吏部國子監照例辦理  
為此謹具

奏

卷六  
聞於乾隆五十年正月二十五日奏本日奉  
旨知道了欽此

二月初一日咨送本監堂屬官員與宴人數職  
名

呈為咨送事准禮部文開恭查

皇上臨雍後例在本部

恩賜筵宴凡衍聖公及內閣翰林院詹事府都察院  
國子監太常寺光祿寺鴻臚寺堂屬各官有執  
事者例應入宴相應行文各該處將應入宴員

數職名速行開送過部以便備辦等因前來  
相應將本監滿漢堂屬官員人數職名造冊咨  
送禮部查照可也

初二日第四次演禮

同日吏部咨送進士王沅等進

呈詩冊四本

同日又准吏部來文將詩冊四本并原文撤回  
吏部為劄知事所有本月初一日本部劄送進  
士王沅張世濂胡秀森舉人鄭豹文恭逢

皇上臨雍呈進詩冊四本又進士盧蔭惠呈請情願

恭

進詩冊轉行原文一件相應劄知國子監將詩冊  
四本并原文二件撤回俟本部彙齊另行咨送  
可也

同日咨覆吏部進士舉人詩冊本監未便代

進

呈為咨覆事本月初二日准吏部劄送進士王  
沅張世濂胡秀森舉人鄭豹文恭逢

皇上臨雍呈進詩冊四本又進士盧蔭惠呈請情願

恭

進詩冊各等因到監本日又准吏部文稱將詩冊  
四本并原文二件撤回俟彙齊另行咨送等因  
前來除將原送到詩冊四本原文二件交送  
本人領去外查貢監生呈

進詩冊例由本監彙齊呈

進至進士舉人及各項人等均非本監所屬未便  
代為呈

進相應咨送吏部自行查辦可也

同日派典簿哈通阿候補助教卜惟吉專司

文廟事宜

初四日裝潢刊就

御論進

呈

國子監謹

奏為敬刊

御論恭呈

睿覽事本年二月初七日恭逢

聖駕臨雍先經禮部奏准各衙門應辦事宜內開

御論二篇由國子監敬謹刊刻通行頒發在京各衙

門官學及直省學政轉發各學之師生咸資誦

習以廣

教思等因又准禮部知照軍機處奏擬

臨雍加恩各條內開衍聖公

至聖後裔五經博士各氏後裔俱

賜



御論二篇等因各在案今臣監敬謹刊就除在京各衙門官學及各直省學政俱由臣監通行頒發外理合敬謹裝潢一百五十本恭呈

御覽以備

頒賞伏乞

皇上睿鑒謹

奏奉

旨照例賞欽此

本日進

樣

呈黃綾面漾本及恭

進一百五十本併

發交國子監

同日知照各衙門各學轉飭各項人等初八日

五鼓在

午門前謝

恩

呈為知照事准禮部文開照得

臨雍次日例應衍聖公率五經博士各氏後裔國子

御論二篇等因各在案今臣監敬謹刊就除在京各衙門官學及各直省學政俱由臣監通行頒發外理合敬謹裝潢一百五十本恭呈

御覽以備

頒賞伏乞

皇上睿鑒謹

奏奉

旨照例賞欽此

本日進

呈黃綾面漾本及恭

進一百五十本併

發交國子監

同日知照各衙門各學轉飭各項人等初八日

五鼓在

午門前謝

恩

呈為知照事准禮部文開照得

臨雍次日例應衍聖公率五經博士各氏後裔國子

卷六  
監祭酒率所屬官及進士舉人諸生在  
午門外恭進謝

恩表行三跪九叩頭禮等因知照到監 相應行文  
各該處轉飭各項進士舉人諸生等屆期於五  
鼓時齊集

午門前祇候行禮可也

同日知照宗人府等處開具觀禮人數清單于  
初七日交本監點名

呈為知照事准禮部文開恭照二月初七日

皇上臨雍講學所有觀禮之進士舉人貢監生廩生  
官學生教習官學生人數例應

禮成後由國子監查明人數報部具奏相應劄行國  
子監務於

禮成日即將各項人數分晰送部以便次日具奏等  
因前來 查各項觀禮人數為數甚多屆期或  
因事故及患病不到均未可定且是否實係本  
人本監亦無憑查核相應行文各該處照依原  
送人數開具清單於初七日四鼓入太學門時

該帶領各官先將人數自行查明有不到者即於本人名下註明事故面交本監點名放入毋致重複遺漏以便咨送禮部具奏為此合咨貴處煩為查照并希轉行勿致臨時舛錯蒙混碍難開送

同日咨送本監堂屬官員及聖賢後裔應領

恩賞名冊

呈為咨送事准禮部文開恭照二月初七日

皇上臨雍

禮成後所有國子監官員暨衍聖公五經博士各氏陪祀後裔例應頒

賞今本部定于二月初十日在

午門前頒給相應劄行國子監查明應領

恩賞官員即日造冊送部等因前來相應將本監應領

恩賞堂屬官員職名造冊咨送所有衍聖公及五經博士各氏陪禮後裔亦應照禮部原送全冊造送聽禮部自行查辦外至進講大學士伍彌泰應

否一併領

賞之處應聽貴部辦理可也

同日知照各衙門堂官并鴻臚寺鑾儀衛樂部  
于初六日巳刻再行演禮一次

呈為再行知照演禮事二月初七日恭逢

聖駕臨雍本監于正月廿二十六廿九二月初二等

日演禮業經演過惟是各衙門堂屬各官到者

無幾查

皇上臨雍凡陪祀諸臣有跣班聽

講以及

賜坐

賜茶一切儀節俱須預為演習且辟雍係奉

旨新建典禮與尋常熟習者不同尤宜慎重今本監

定于二月初六日巳刻再加演禮一次除諸生

俱已屢次演習無庸再傳外合行知照各衙門

陪祀堂屬各官務于初六日巳刻到齊以便演

禮并知照樂部務于初六日辰刻預為陳設鴻

臚寺贊禮帶班人員及鑾儀衛鳴鐘鼓人員務

須到齊通行演禮一次免至臨時錯悞相應知照各衙門辦理可也

同日禮部知明孔廣椿孔廣模應歸于貢監內領

賞

禮部為知照事儀制司崇呈准行聖公咨據衢州孔氏世襲五經博士孔傳錦申稱據族人孔毓烜呈稱竊烜本係山東古城戶人有譜可查現歸入鑲紅旗包衣四甲喇奇成額佐領下漢

軍生員今恭逢

皇上臨雍大典理合陪祀觀光伏乞恩准據情轉詳等情據此理合詳請察核又據該博士申稱據孔傳安等呈稱安等由本籍起身至本月二十四日到京理合據情申請准其一體觀光等情到爵據合咨請大部核示再查生員孔毓烜係原任詹事興桂之子雖屬後裔但入漢軍籍考試現係鑲黃旗包衣漢軍應否俯准合併咨明為此合咨貴部查核賜覆計咨送生員孔毓烜

須到齊通行演禮一次免至臨時錯悞相應知照各衙門辦理可也

同日禮部知明孔廣椿孔廣模應歸于貢監內領

賞

禮部為知照事儀制司崇呈准行聖公咨據衢州孔氏世襲五經博士孔傳錦申稱據族人孔毓烜呈稱竊烜本係山東古城戶人有譜可查現歸入鑲紅旗包衣四甲喇奇成額佐領下漢

軍生員今恭逢

皇上臨雍大典理合陪祀觀光伏乞恩准據情轉詳等情據此理合詳請察核又據該博士申稱據孔傳安等呈稱安等由本籍起身至本月二十四日到京理合據情申請准其一體觀光等情到爵據合咨請大部核示再查生員孔毓烜係原任詹事興桂之子雖屬後裔但入漢軍籍考試現係鑲黃旗包衣漢軍應否俯准合併咨明為此合咨貴部查核賜覆計咨送生員孔毓烜

從九品孔傳安監生孔廣椿孔廣模等因前來  
查定例孔氏後裔觀禮者准共送二十八人前  
經衍聖公并五經博士孔傳錦共送到觀禮二  
十六人今所送之孔毓烜孔傳安俟禮成後准  
其咨送吏部照例辦理外至監生孔廣椿孔廣  
模二名應劄明國子監准其觀光于禮成後歸于  
貢監內一體頒賞可也

同日禮部知照

禮成日即將觀禮各項人等總數分晰送部以便次

日具

奏

禮部為劄知事儀制司案呈恭照二月初七日

皇上臨雍講學所有觀禮之進士舉人貢監生廕生

官學教習官學生人數例應

禮成後由國子監查明人數報部具奏相應劄行國  
子監務于

禮成日即將各項總數分晰送部以便次日具奏可  
也



同日禮部知照

臨雍次日進

表謝

恩儀注

禮部為知照事儀制司案呈照得

臨雍次日衍聖公率五經博士各氏後裔國子監祭酒率所屬官及進士舉人諸生恭進謝


恩表儀注都察院派監禮御史二員工部官備黃長案黃緞桌套鴻臚寺官設黃案于

午門外正中是日黎明衍聖公國子監祭酒各親捧

表文鴻臚寺官引進東長安門呈

午門外黃案前跪置

表於黃案上行三跪九叩頭禮復班聽贊衍聖公率五經博士各氏後裔國子監祭酒率所屬官及進士舉人諸生行三跪九叩頭禮禮部官將表文送內閣收貯相應劄行國子監屆期預備可也



卷六

